

"মিষ্টি বাচ্চারা :- তোমরা এই কর্মক্ষেত্রে এসেছ অভিনয় করার জন্য, তোমাদের অবশ্যই কর্ম করতে হবে, আত্মার স্বধর্ম হলো শান্তি, তাই শান্তি চাইবে না, এই স্বধর্মতেই টিকে থাকতে হবে"

প্রশ্ন :- এই অনাদি, নির্দিষ্ট ড্রামা জানা সম্বন্ধে বাবা তোমাদের কোন্ কথা বলেন না ? তার কারণই বা কি ?

উত্তর :- বাবা জানেন -- কাল কি হতে চলেছে তবুও তিনি বলেন না । এমন নয় যে কাল ভূমিকম্প হবে আর আজ তিনি তা বলে দেবেন । যদি বলেই দেবেন, তাহলে তো রিয়েল ড্রামা থাকবে না । তোমাদের সবকিছুই সাক্ষী হয়ে দেখতে হবে । যদি আগে থেকেই সব জেনে যাও তাহলে তোমরা সেই সময় বাবার স্মরণও ভুলে যাবে । পরের দিকের দৃশ্য দেখার জন্য তোমাদের মহাবীর হতে হবে । অচল - অডল হয়ে থাকতে হবে । বাবার স্মরণে যাতে শরীর ত্যাগ করতে পারো তারজন্য পরিপক্ব অবস্থা বানাতে হবে ।

ওম্ শান্তি । ওম্ শান্তির অর্থ বাচ্চাদের বোঝানো হয়েছে । মানুষ বলে থাকে যে, মনের শান্তি চাই, কিন্তু তা কি করে পাওয়া যাবে ? সম্ভবত এর উপর একটি বইও লেখা আছে । বাবা বাচ্চাদের বুঝিয়েছেন, তোমরাও বলো ওম্ শান্তি । এখন এর অর্থ কি ? কেউ তো ওম্ এর অর্থ 'ভগবান' মনে করে । বাবাও বলেন, ওম্ শান্তি । ওম্ অর্থাৎ অহম (আমি আত্মা)। পরে আবার বলো, আমার শরীর । আত্মা নিজেই বলে ওম্ শান্তি । আমার স্বধর্মই হলো শান্তি, আর আমার নিবাস নির্বাণধাম বা শান্তিধাম । আত্মা নিজেই নিজের পরিচয় দেয় যে আমি শান্তি স্বরূপ তাহলে জিজ্ঞেস করার কোনো প্রয়োজনই নেই যে মনের শান্তি কিভাবে মিলবে ? বাবাও বলেন - ওম্ শান্তি । আমি হলাম পরমাত্মা, তোমাদের সকল বাচ্চাদের আমি বাবা । আমি শান্তিধামে থাকি । তোমরা আত্মারা এখানে শরীর ধারণ করে এসেছো অভিনয় করার জন্য । তাহলে মনের শান্তির তো কোনো প্রশ্নই উঠতে পারে না । ওম্ এর অর্থও কেউ জানে না, এই কারণে ধাক্কা খেতে থাকে - মনের শান্তি খোঁজার জন্য । আত্মা অশরীরী থাকাকালীন শান্তিই থাকে । শরীরে প্রবেশ করলে কর্মেন্দ্রিয় তো অবশ্যই কাজ করবে । এই কর্মক্ষেত্রে অবশ্যই কাজ করতে হবে তাই শান্তির উপর কোনো বইয়ের দরকার নেই । এ তো বোঝার জন্য এক সেকেন্ডের কথা । আত্মা নিজেই বলে ওম্ শান্তি । বাদবাকি কি চাই ? কোথা থেকে এই শান্তি আসবে ? আত্মার দেশ তো শান্তিধাম । এখন তো আত্মা সেখানে গিয়ে থাকবে না । অভিনয় তো অবশ্যই এখানে করতে হবে । এমনিতেও পরমপিতা পরমাত্মার থেকে জীবনমুক্তি পাওয়ার জন্য কোনো বই ইত্যাদির প্রয়োজন নেই । এ তো এক সেকেন্ডের কথা । বই ভক্তিমার্গে লেখা হয় নাকি জ্ঞানমার্গে ? তবুও বাইরের মানুষদের প্রকৃত সত্য জানানোর জন্য - মনের প্রকৃত শান্তির জন্য, সত্য গীতার উপর কিছু লিখার প্রয়োজন হয় । না হলে বুদ্ধি বলবে - নিজেকে আত্মা নিশ্চিত করো , সুখধাম আর শান্তি ধামকে স্মরণ করো তাহলেই অন্ত মোতি সেই গতি হয়ে যাবে । বাকি খোড়াই এখানে মনের শান্তি আসতে পারে । শান্তিধাম হলো নির্বাণধাম, যেখানে বাবাও থাকেন আর সঙ্গে আত্মারাও থাকে । রুদ্র মালাও বলা হয় আর রুদ্র জ্ঞান যজ্ঞও একই । জ্ঞানের সাগর বাবাই এই জ্ঞান শোনাতে পারেন । বাকি জ্ঞান তো অনেক প্রকারের । সাইন্সের জ্ঞান, কারিগরীর জ্ঞানও হয় । কিন্তু সে হলো ব্যবহারিক জ্ঞান । মানুষ বুদ্ধিতে অনেক চতুর হয় । এখন তোমরা বাচ্চারা এই সৃষ্টির আদি, মধ্য এবং অন্তের জ্ঞান পেয়েছো । এ হলো এক ঈশ্বরীয় পাঠশালা যেখানে পড়ানো হয় ।

শিবাবা হলেন জ্ঞানের সাগর, তাঁর সম্পূর্ণ জ্ঞান আছে। তিনি সব বেদ - শাস্ত্র ইত্যাদিকে জানেন। ভুল বা ঠিক, সত্য বা মিথ্যা কি তা আমি বুঝিয়ে বলি। এখন বলো, সত্য কি? সর্বব্যাপী বলাএ কি সত্য? আমি তো তোমাদের বাবা। সর্বব্যাপীর থেকে তো কোনো জ্ঞানই পাওয়া যায় না। পুরুষার্থও হয় না। সর্বব্যাপী হয়ে তিনি কি করবেন? তিনি তো মালিক, ভগবান তো কখনোই পতিত হন না। তিনি তো যখন চাইবেন, তখনই ফিরে যাবেন। এখানে তো সবাই পতিত, তাই কেউই ফিরে যেতে পারে না। পতিত হলে সমস্ত জ্ঞান উড়ে চলে যায়, বুদ্ধিও মলিন হয়ে যায়। যোগ লাগে না, স্মরণে বিঘ্ন আসে, তাই কোনো পাপ কমই করা উচিত নয়। বাবাকে অবশ্যই স্মরণ করতে হবে। বাবা ছাড়া পুরানো পাপ দূর হবে না। এমন নয় যে হরিদ্বারে থাকলেই পাপ মুক্ত হয়ে যাবে, না এমন নয়। পাপ তো করতেই থাকে। সাধু - সন্তরা যদি জানতেন যে আমাদের ঘর শান্তিধাম তাহলে সেখান থেকে ঘুরে আসতেন। বাবা কিন্তু তোমাদের সমস্ত সাক্ষাৎকার করান। তেমন তোমরাও ঘুরে আসো। ভক্তিমার্গেও দিব্যদৃষ্টির সাহায্যে সাক্ষাৎকার হয়। তোমরা যখন সত্যযুগে থাকো তখন এই চোখেই লক্ষ্মী - নারায়ণকে দেখবে। তাঁরাও তোমাদের দেখবেন। এখন সাক্ষাৎকারে দেখতে পাও। বাবার কাছে দিব্যদৃষ্টির চাবি আছে তা আর কেউই পায় না। বাবা বুঝিয়েছেন এই চাবি আমি কাউকেই দিই না। এদের পরিবর্তে আমি স্বর্গের রাজত্ব করি না। তিনি ব্যলেন্স সমান রাখেন। তোমরাই এই বিশ্বের মালিক হও, আমি কিন্তু হই না। ভক্তিমার্গে যে মূর্তির সাক্ষাৎকার করো তাতে খোড়াই শক্তি আছে।

বাবা বলেন -- আমি মনোকামনা পূরণ করানোর জন্য সাক্ষাৎকার করিয়ে থাকি। গণেশ, হনুমান ইত্যাদি যাদের পূজা তোমরা করো, আমিই তাদের সাক্ষাৎকার করাই। কিন্তু ওইসব মানুষরা ভাবে, পরমাত্মা সবকিছুর মধ্যে আছেন, তাই আমাকে সর্বব্যাপী বলে দিয়েছে, ভুল জ্ঞান নিয়ে ফেলেছে। বাস্তবে এরা সকলেই হলো ভাই - ভাই। সবার মধ্যেই আত্মা আছে। সকলেই তো আর বাবা হতে পারে না। মানুষ ডাকতে থাকে, হে গড ফাদার দয়া করো, তাহলে সবাই তো বাচ্চাই হয়ে গেলো। বাচ্চাদের বাবার থেকে আশীর্বাদী বর্ষা নিতে হলে দেহ - অভিমান ত্যাগ করতে হবে। ব্যস, আমি আত্মা আমার বাবার থেকে আশীর্বাদী বর্ষা নিচ্ছি। আত্মাকে মেল বা ফিমেল কিছুই বলা হয় না। যদিও শরীর রূপী বস্ত্র মেয়েদের হয়, তবুও এটাই বলা ঠিক যে আমি আমার আশীর্বাদী বর্ষার অধিকার নিচ্ছি। বাবার থেকে এই স্বর্গের বর্ষা নেওয়ার অধিকার সকলের আছে। আমি খৃস্টান, আমি অমুক। এ হলো সব শরীরের ধর্ম। আত্মা কিন্তু একই। শরীরের পরিবর্তন হয়, তখন বলে, এ মুসলমান, এ হিন্দু। আত্মার নামের পরিবর্তন হয় না কেবল শরীরের পরিবর্তন হয়। বাবা হলেনই পতিত - পাবন, জ্ঞানের সাগর। বাবার মহিমাই আলাদা। তিনি শান্তির সাগর আবার জ্ঞানেরও সাগর। তাঁর সঙ্গে যোগযুক্ত হলে আমরা শান্তিধামে যেতে পারবো, তাও এখন। এমন যোগ কেউই কখনো লাগাতে পারে না। তোমরা শান্তিধামকে জানো। বাকি স্মরণ তো শিব বাবাকেই করো। সন্ন্যাসীরা বলে যে আমরা ব্রহ্মজ্ঞানী। তারা ব্রহ্মের সাথে যোগ লাগায় কিন্তু তাতে কোনো বিকর্ম বিনাশ হয় না। সেই যোগই হলো ভুল। ব্রহ্ম হলো থাকার জায়গা। ব্রহ্মজ্ঞানী বা তত্ত্বজ্ঞানী একই কথা। বাবা বলেন, এ হলো তাদের ভ্রম। ব্রহ্মা কখনোই পতিত পাবন হতে পারেন না। আত্মাদের বাবা হলেন শিব, তাঁকেই পতিত পাবন বলা হয়। বাকি ঘরে তো কেউই ফিরে যেতে পারে না। সকলকেই সতোপ্রধান থেকে তমোপ্রধান হতেই হবে। যখন এক নম্বর নারায়ণ, তিনিই এমন হন, তখন সকলকে অবশ্যই তমোপ্রধান হতে হয়। পুনর্জন্মও নিতে হয়। এও বুদ্ধিতে রাখতে হয়।

তোমরা জানো যে, প্রত্যেকটা ধর্মের মানুষ কতগুলো জন্ম নেয় ? দেবতাদের জন্য বলা হয়, তারা সম্পূর্ণ ৮৪ জন্ম নেন। অন্যদের জন্ম এমন এক হতে পারে না। কেউ হিসেব করলে বের করতে পারে। কিন্তু প্রয়োজন নেই। আমাদের নিজেদের পুরুষার্থ নিয়েই চিন্তা করা উচিত বাকি বেশী বিষয়ের বিশ্লেষণে যাওয়ার দরকার নেই। তোমাদের মুক্তি বা জীবনমুক্তির জন্য 'মনমনাভব' (মন আমার সঙ্গে যুক্ত করো) হও। আমি হলাম পতিত পাবন, আমি এসেই রাজযোগ শেখাই। পতিত পাবন অবশ্যই কলিযুগের অন্তেই আসবে নাকি দ্বাপরে আসবে? শুধুমাত্র শিবরাত্রি লিখলেই তার সঠিক অর্থ আসবে না। ত্রিমূর্তি শিবরাত্রি লেখা উচিত। ভক্তিতে হয় ঘোর অন্ধকার, তাই বলা হয় জ্ঞানসূর্য প্রকট হয়েছে.....অবশ্যই তা কলিযুগের অন্তিমেরই হবে। প্রকাশ হলো সত্যযুগে। বাবা অবশ্যই এই সঙ্গমেই আসবেন। সবাই যখন পতিত হয়ে যাবে তখনই তো বাবা এসে তাদের পবিত্র করবেন কারণ সকলেরই তো বাবার সঙ্গেই সম্পর্ক। অনেক সন্ন্যাসীরাও বলে থাকে, মনের শান্তি কিভাবে হবে? আত্মার স্বধর্মই তো হলো শান্ত। ভারতবাসী যেমন দেবী - দেবতাদের ভুলে গেছে তেমনই আত্মা নিজের স্বধর্মকে ভুলে গেছে। আত্মাই জানে যে - আমাকে রাবণ অশান্ত করেছে। এই জ্ঞান এখন আমরা পেয়েছি। এখানে তো কখনোই শান্তি পাওয়া যাবে না। শান্তিধামেই শান্তি পাওয়া যেতে পারে। সেখানে তো সবাইকেই যেতে হবে। আমরা শান্তিধামে যাবো তারপর সুখধামে আসবো। অন্য ধর্মের লোকদের শান্তি অধিক মেলে, আমাদের মেলে অধিক সুখ। তারা না বেশী সুখ না বেশী দুঃখ পাবে। এ হলো বিস্তারিত কথা। কেউ কেউ খুব ভালোভাবে লক্ষ্যকে ধরে রেখেছে, এর পরিমাণও অনেক। ঘরে থেকেই বাবা আর আশীর্বাদী বর্ষাকে স্মরণ করতে থাকো। কিন্তু প্রজা বানাতে পারবে না। যারা প্রজা বানাবে তারাই রাজা - রানী, মালিক হতে পারবে। এতেই তো পরিশ্রম। প্রজেক্টরের সাহায্যে বোঝানো খুব সহজ। বড় বড় মানুষদের নিমন্ত্রণ করে তাদের বোঝানো উচিত। তোমরা বাচ্চারা অনেকের কল্যাণ করতে পারো। এর পদ্ধতিও নতুন ভাবে বের হচ্ছে। ইংরেজীতেও প্রজেক্টর স্লাইডে বিদেশে গিয়ে দেখাতে পারো। যখন তারা এই গোলার চিত্র ইত্যাদি দেখবে তখন বুঝতে পারবে এ হলো ভারতের ফিলসফি। এই জ্ঞান একমাত্র বাবাই দিতে পারেন। এ হলো রুহানী জ্ঞান। রুহ (আত্মা) থেকেই এই রুহানী জ্ঞান পাওয়া যায়। প্রকৃত ফিলোসফির ডাক্তার হলে তোমরা। বাবা হলেন রুহানী সার্জন। তিনি রুহ অর্থাৎ আত্মাদের ইঞ্জেকশন দেন। তোমাদের হলো সকলই গুপ্ত। দুনিয়ার মানুষ তো বসে কেবল শাস্ত্র ইত্যাদি পড়ে, তাই তাদের অনেক মানও হয়। তারা রুহ বা আত্মাকে পতিত মনে করে না, নির্লিপ্ত বলে দেয়। তাই প্রকৃত জ্ঞান একমাত্র তোমরাই দিতে পারো। এও তোমাদের বোঝানো হয়েছে যে দুনিয়ার মানুষের হলো হদের সন্ন্যাস আর তোমাদের হলো বেহদের সন্ন্যাস, যা একমাত্র বেহদের বাবাই এসে শেখাতে পারেন। ওদের হলো হঠযোগ আর তোমাদের হলো রাজযোগ। ওরা হঠযোগের দ্বারাই কর্মেন্দ্রিয়কে বশ করতে চায়। তোমরা রাজযোগের সাহায্যে কর্মেন্দ্রিয়কে বশ করো। এ অনেক পার্থক্য। এখন বাবার সাহায্যে তোমরা নলেজফুল হচ্ছে। কিন্তু এও হবে পুরুষার্থের নস্বর অনুসারে। এমন বাবার সঙ্গে কতো ভালোবাসা থাকা উচিত। এ হলো গুপ্ত প্রেম। আত্মাও তো গুপ্ত। আত্মারা জানে যে আমরা বাবাকে পেয়েছি। তিনি আমাদের এখন দুঃখ মুক্ত করাচ্ছেন। বাবা আপনি তো আশ্চর্য করে দেখাচ্ছেন। কল্পে কল্পে আপনি আমাদের জ্ঞান দেন আবার আমরা ভুলে যাই। বাবা বলেন -- হ্যাঁ বাচ্চারা, আমি তো বলেই ছিলাম যে এই জ্ঞান প্রায় লোপ হয়ে যাবে। সত্যযুগে এই জ্ঞান থাকবে না। এই সম্পূর্ণ নাটক বানানোই আছে। এর কিছু তফাৎই হয় না। এই নাটক পূর্ব নির্ধারিত, যা কিছুই হচ্ছে সব সাক্ষী হয়ে দেখতে থাকো। বিনাশও হবে, স্থাপনাও হবে, সবই সাক্ষী হয়ে দেখতে হবে। মনে করো কাল যদি ভূমিকম্প হয়, আমি কিন্তু বলবোই না যে ভূমিকম্প হবে। তাহলে তো সবাই ব্যবস্থা করে নেবে

উদ্ধারের । তাই সাক্ষী হয়ে সব দেখতে থাকো । আসল কথাই হলো, আমাকে স্মরণ করো । নাহলে আমাকেও তোমরা ভুলে যাবে । বাচ্চারা, তোমাদের যে মহাবীর হতে হবে । মহাবীর - মহাবীরকে জ্ঞানের দেব আর জ্ঞানের দেবী বলা হয় । ভগবান তোমাদের যোগ শিখিয়ে জ্ঞানের দেব - দেবী করেন । পরে যখন ভূমিকম্প ইত্যাদি হবে সেই সময় তোমাদের মহাবীরত্বের প্রয়োজন । এখন তো তোমরা পুরুষাৰ্থী । তোমাদের অচল - অডল হয়ে থাকতে হবে আর সাথে সাথে বাবাকে স্মরণে রাখতে পারলে তো খুবই ভালো । যারা এই জ্ঞানে অচল - অডল স্থিতিতে থাকবে তারা বসে বসেই শরীর ত্যাগ করবে । তারপর কর্মভীত অবস্থায় গিয়ে সেবা করবে । বাচ্চাদের পরিপক্ক অবস্থায় শরীর ত্যাগ করে তারপর সূক্ষ্মবতনে গিয়ে নতুন দুনিয়ায় আসতে হবে ।

আচ্ছা -- বাচ্চাদের সর্বদা নিজেদের চার্ট দেখতে হবে যাতে আমরা বাবার থেকে সম্পূর্ণ আশীর্বাদী বর্সা পেতে পারি । কোনো বিষয়ের সংশয়ে এসে এই পড়া কখনোই ছেড়ে দেওয়া উচিত নয় । বাবা বার বার বলেন - তোমরা আমাকে স্মরণ করো তাহলেই বিকর্ম বিনাশ হবে । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) কোনো বিষয়েই সংশয় বুদ্ধি হয়ে এই পড়া ছেড়ে দিও না । নিজের স্থিতি অচল - অটল করতে হবে । এক বাবার সঙ্গেই প্রকৃত ভালোবাসা রাখতে হবে ।

২) কোনো বিস্তারের কথায় নিজের সময় নষ্ট করো না । কোনো কর্মেই বুদ্ধি যাতে মলিন না হয়, এর সম্পূর্ণ ধ্যান (খেয়াল) রাখতে হবে ।

বরদান :- 'আমি' এই স্বরূপের স্মৃতির দ্বারা নিজের অরিজিনাল স্বরূপে স্থিত হয়ে দেহের বন্ধন থেকে মুক্ত হও

এক 'আমি' শব্দই ওড়াতে পারে, আবার এই 'আমি' শব্দই আবার নীচে নিয়ে আসে । 'আমি' বললেই অরিজিনাল নিরাকার স্বরূপ স্মরণে এসে যায়, এ যখন স্বাভাবিক হয়ে যায়, দেহ ভাবের আমিষ যখন সমাপ্ত হয়ে যায় তখনই দেহের বন্ধন থেকে মুক্ত হয়ে যাবে কেননা এই 'আমি' শব্দই দেহ - অহংকারে এনে কর্ম বন্ধনে বেঁধে ফেলে । কিন্তু 'আমি নিরাকারী আত্মা' যখন এই স্মৃতি আসে তখন দেহভাবের উর্ধ্বে, কর্মের সম্বন্ধে আসবে কিন্তু বন্ধনে নয় ।

স্লোগান :- নিশ্চিত বিজয় আর নিশ্চিত স্থিতির অনুভব করার জন্য সম্পূর্ণ নিশ্চয় বুদ্ধি হও ।